

ВИЗВАН ВАВИЛИН
BISI



СЬÖЛÖМ
СЬЫЛÖМ


ЛИС К

Виз

ИВАН ВАВИЛИН

СЬОЛӨМ
СЬЫЛӨМ

B.151



КОМИ КНИЖНОЙ ИЗДАТЕЛЬСТВО
СЫКТЫВКАР

1976





Тодчана коми поэт Изан Михайлович Вавилинн выль книгаыс — ас чужан му йылысь, «морт дін мед-пось сибыдлун» йылысь, олӧм бурсӧ лэптӧм йылысь. «Сьӧлӧм сьӧлӧм» — мортлы, сьӧлӧн олӧм-вылӧмлы сьӧлӧм, олӧмсӧ выльмӧдысьяслы гимн. Ачыс поэтыс век вӧлі водзмӧстчысьяскӧд ӧтлаын, век зӧліс кывны да петкӧдлыны поэзия отсӧгӧн олӧм шыяссӧ, олӧмыслысь медшӧрсӧ, этшӧ. Коммунистлӧн видзӧдласыс, гражданинлӧн пӧсь сьӧлӧмыс тӧдчӧ быд гижӧдын.

Ассьыс «Сьӧлӧм сьӧлӧмсӧ» И. М. Вавилин о: иин аддзыв ловъя снимӧн — книга сӧ лэдзны лӧсьӧдчӧн, 1975 вося октябрь 5 лунӧ, сӧдӧ виччысьтӧг кувсис.

МЕДВОДДЗА ПӨСЬ КЫВ

1

Тэ аснад югдөдан му выв,
Юр вывсянь кок улөдз тэ миян.
Тшөтш ассыым медводдза пөсь кыв
Тэд, ыджыд партияой, сна.

Эм ставыс. Мый не обны мем!
Тэ миян вежөр, честь и сөвесьт.
Тэ менам эм. И Муза эм.
Ме абу пөль моз бобыль-дөвеч.

Не тэ кө, Музаой эз сыв,
Тэ йитин сийөс олөмыскөд.
А талун сылөн мелі сыв
Ас бердас менсым сьөлөм кыскө.

Тэ ради талун водза водз
Веж парма чуркысь бара петіс
И, муса батылы мамлы моз,
Тэд ассыс медпөсь шысө сетіс.

Мый бурыс шедас и оз шед,
Мый чөжсяс Музалөн да менам,
Ми ставсө сийөс сетам тэд,
Өд сийө сьөлөм төждыд тэнад.

2

Ме төда тэнсьыд дон и ыжда,
Тэ миян сиң и пель, и вем.
Мый шуан, партияой, мем,
Ас морткөд моз кө сёрнитышта?

3

Став сьолөмөн ме тэкөд йитчи,
И төда, йигөдыс оз ор.
Нэм кута сулавны тэ дор,
Мед лолөй ас вылас оз видчы.

Мыж овлө на, ог сыысь дорйысь,
Но вештысьнысө вынөй эм.
Зэв ёна кора, эскы мем,
Войт абу тэысь гусяторйыс.

Ме кыла тэнсьыд быд кыв шуөм.
Ас ордө пырта радлігтыр,
Кор лэдза найөс вежөр пыр,
Век выль ног аддза чужан муөс.

Тэ пытшкын куслытөг пыр олө
Морт дінө медпөсь сибыдлун.
Тэ некор бокиті он мун,
А мунан йөзыслы кыт колө.

Сюсь син оз видзөд тыртөминө,
Пыр аддзө мортлысь ыджыд мог,
Код менө ышөдө быд ног
И йитө сьолөмөс тэ дінө.

ПАМЯТНИК ДОРЫН

Карын, югыд плөщадь вылын
Муөдз копыр пукті сылы,
Кодлөн сьолөм и юр вем
Туйөс югдөдоны мем.

Вежавидзиг шун сәні:
Прөстит, мися, ыджыд Ленин,

Кыз тэ велөдан, Ильич,
Оз на ставыс артмыв сідз.

Вошла туйсьыс, синмөс тіля,
Сэсся өдөбгөмөн, зіля
Выльысь корся сэсь и тась
Туйлысь тэөн индөм пас.

Медся ёна эска тэныд:
Олан туййи кузь көть дженьыд,
Вошласьөмсьыс нэм чөж видз,
Ставас эска тэд, Ильич!

МИ БУРЕТШ СЫ ВЫЛӨ И ЭМӨСЬ

Кузь туйё петны меным колө...
Мый шуас төдтөм, виль маршрут?
Кытсюрө туйыс зэв пө крут,
Но, төда, няргөм меысь полө.

Дась ставыс. Гортысь петантор нин,
Но, кыз тай тшөкмунлө мотор,
Тшөтш мекөд лолі сэтшөмтор,
Қор гөтыр паніс мустөм сёрни.

Зэв лёк пө туйыс, эн мун сэтчө,
Тэ кындзи мөд пө эз мөй сюр?
Эн, мися, янөд менсьым юр,
Тэ сөмын гортын мем диспетчер.

А гөтыр чөлөм пыдди өддзис:
Дзик некод пө эз ветлыв сэт,
Пель йылөдз сибдан, и он пет!
Ме видзөда да, чуть оз бөрддзы.

Тэ, мися, гётыр, вёт-ё вемёс?
Од тóдан, мый ме коммунист.
Ми мунам сэт, кыт чóрт оз письт,
Ми буретш сы вылö и эмöсь.

РАЗЛИВСА ЧОМ ДОРЫН

Дзик мойд кодь кадным. Абу дивö
Удж бöрын веськавны Разливö,
Кысь медводз аддзан турун чом.
Сэн, чомъяс, рöммö уджлөн сарство,
Нэм вöвлытöм выль государство,
Кöть зыньгö на вир юысь ном.

Ён бушков водзын ланьтöм ывла,
Тэ сöмын көккысь гөлöс кывлан,
Джек выльсь аддзан лöз тетрадь. ,
Сы весьтö копыртöма юрсö,
Код дасьтö мянлы быд бурсö —
Став нартитанаяслөн бать.

Здук кежлö гудыртчылас морёс:
Со көйгö-локтö чемйыс дорö
Буржуйөн ыстöм наян шпик.
Ме гóрза: — Көн тэ, Емельянов?!
Вай öдйö-öдйö шышсö пановт!—
И гóрддза кабыр, чечча — звирк!

Тадз, збыльысь, гэрöдливлö лолöй,
Збыль шуа, шуштöм меным лолö,
Кöть эськö ме водзын экран.
Кöть эськö тóда: выль мир панысь
И олöмын, и быд экранын
Став нэмъяс чöж пыр лoас тан.

ЫДЖЫД СУБӨТА

Важ пöч мөз некод нин оз вöтав
Субöта рытсаянь ыджыд лун.
Ми чужтiм ыджыд гöрд субöта,
И тайö луныс — зэр көть слöта—
Оз чусмöд уджлысь кыпыдлун.

Бур, ыджыд босьтöм нимыс сылөн,
Тадз шуис Ленин — миян вождь.
Кор петам гöрд субботник вылö,
Удж шыын вождьлөн гөлöс кылö,
А нюмсö казътö тувсов гож.

Бöр быттьö воöма том кадас,
Со весиг пöрысьлун оз ляб.
Субботник миян кыпыд лада,
Став чужаи мурым зиль бригада,
А миян партия — прораб.

Гöрд субöтаным тан и этан
Быд уджа лун кодь яр и жар.
Мед талунъяысь виль лун летас,
Вождь кнысь босьтöм эстафета
Пыр водзö нуö сикт и кар.

ЮАСЬÖМ-ВИСЬТАСЬÖМ

Но, кызд нин овсьö-вывсьö тэд?
Тадз менсьым другьяс юаласны.
И шуа: тöданныд тi асьныд,
Дзик öти миян туй вив пасным.
Эг кыськö мöд муысь ме пет,
Кыт мунад тi, ме тшöтш жö сэт.

И туйыс тайӧ зэв и бур:
Удж вылӧ нуӧдӧ и вайӧ,
Ті сувтанныд станокъяс сайӧ.
Тшӧтш эськӧ сійӧс босьтны пайӧ,
Код ылі муын жуглӧ юр,
Пыр корсьӧ удж, а удж оз сюр.

Кызд ковтӧмтор, кызд шыблас ёг,
Сэн мортыд некытчӧ оз инась,
Виж дявӧл ставсӧ кӧвтысь кинас,
Кызд кӧсьяс, сідзи-й морттӧ синас,
А сэсся кусньӧдлас сир шог...
Мед бур на овны миян ног.

Со аддзад, быдторйӧдз мем мог,
Лун чӧжнад кымынлаӧ вола!
Ті юасянный, кызд пӧ олан?
Сӧветскӧй морт мез тай со ола.
Эг норасьлы, и ӧні ог,
Век зіля овны бур йӧз ног.

ЫЛЫССА ВОКЛЫ

Вӧрса мойдӧс кольла мойдтӧг —
Мӧд тӧжд сьӧлӧм пытшкын кута;
Тэ кӧть ылын, кыла дойтӧ:
Дугдіс шыавны Неруда.
Тэнад муртса сувтліс асыв,
Эн на во и лун шӧр кадӧлз,
Пез йӧз, медлӧк вӧрӧгъясыд
Тэӧ шыбитісны адӧ.

Мыйӧн кылі сьӧд-шог юӧр,
Сэтшӧмӧдз ме майышмунлі:
Бытьӧ тшӧтш и Коми муӧд

Войыс оз лэдз мунны лунлы,
Пыр жö чуко́стчис пöсь лолöй,
Лок пö океансö келам!
Тадзи миян му и олöм
Мездлун бисö пöльтö тэлань.

Кöть и тэлань пöльтö вой тöз,
Другсянь всöм тöв оз кынты,
Бурдöд ассыд ыджыд дойтö,
Сэсся-й враглы водзöс мынты.
Сетчöм — тэд ни мем оз лöсъяв,
Тэнад Чили тайсö тöдö.
Тöдö, мый ми важ моз пöся
Сывйын кутам öта-мöдöс.

СЫКТЫВКАРСА «МОСКВИЧ»

Выль машинаöс ки пöлөн
Лап-лапкери, бытьö вöлöс.
Пола, некыт мед оз парсась:
Тэ öд, шуа, сыктывкарса,
Сыктывкарса, тэ, «Москвич»!
Мый нö нем он вочавидз?

Нимкодълунтö öмöй дзебан?
Ас кар кузя тövзя-лэба!
Кыськö бытьö чöртыс вайис —
Менö паныдалис ГАИ:
Чипты, шуö, мунан öд!
Индöдьяссö он мöй тöд?

Миян, шуа, абу кризис...
«Кризис, кризис!» Туйыс йизис!
Тшыгöмыс кö абу миян,

Мыйла асьтö косттi внан?
Волькмöм туйлы ки эн сет,
Сэтi бьд здук бетлö смерть..

Ышмöмысь вай, другö, öвсьям!
Мöдар югьдöдз кö тövсьям?
Огö! Татшöм тыр-бур олöм
Синмöс моз жö видзы колö.
Кывлiч сёрнисö, «Москвич»?
Кувны кадтöг — енмöй видз!

ВАРОВИТÖМ — СЬÖЛÖМ ЙИТÖМ

Варовитöм — сьöлöм йитöм, —
Шулöмаöсь коркö.
Тэ кö ме дор, вай мем китö,
Волысьöм ог торкöй.

Бур сусед кö шоча волö,
Лун-мöд кö оз пырав,
Менам висьмылö сэк лолсй,
Сэтчöдз гажöй бырас!

Збыльсь, верит кöть, эн верит,
Гажтöмча бур кывйсь,
Песся, быттö шедöм чери,
Кöсья петвы тывйсь.

Локтас, пöся варовитас,
Йöрмöнишьсь мына.
Мыйöн сыкöд сьöлöм йита,
Лöа важсьыс вына.

Оз пык сэки менсьым лолӧс
Чизыр тӧв ни, жар ни.
Шулӧны тай, чӧла олӧм
Абу на век зарни.

Нем он ворссы волюсьӧмысь,
Унджык на сэк воан.
Сійӧ донаджык быд сьӧмысь —
Тадз ме гӧгӧрвоа.

ВӐР ТУЙЫН ЛОӐМТОР

Збой кывбур лыддис том поэт,
Вӧв доддын лыддис меным.
Москваын, шуа, озныс тэд...
Да тэ жӧ выль Есенин!

А сійӧ шуӧ: — Менам стих
Быд гижысьӧс на виас!
Вай меным вӧжжитӧ, ямщик, —
И босьтис кыкнан киас.

Вӧв вылӧ горӧдис:— Пегас!
Парнасӧ лӧб, Парнасӧ!
Ме коли ыджыд пернапас
Туйдорса кыддза расӧ.

Вӧр туй. А Рыжко менам чож...
И кыз тай шыбӧлитис!
Пу бердӧ ратшмуні додь вож —
Ме ӧдва-й сійӧс йиті.

Став гижысьясӧ виас оз,
Ямщиклы, дерт, не тӧдны,

А коскӧс, лудысь порсьӧс моз,
Ме нирта со лун-мӧд нин.

И сэксянь век на йира гыж,
Мый вӧжжи сылы сеті.
Да! Тайӧ нин ямщиклӧн мыж,
Ме ёна мыжа сэтысь.

УДЖ ВЫЛЫСЬ ЛОКТИГӦН

Удж вылысь рытгас локтім кор,
Кор менам тэкӧд пансис сёрни,
Тэ кӧсйин асьтӧ сыысь ёрны,
Мый ӧнӧдз эн вӧч ыджыдтор.

— Ой, ме кӧ вӧлі океан! —
Тэ сэки меным шуин тадзи,
И весиг войт эн гӧрдӧд ачыл,
А менам сотчис чужӧмбан.

И содтін: — Лэпті эськӧ ру
Да вӧчи сэтшӧм вына кымӧр.
Код эськӧ зэрӧн, чардӧн-гымӧн
Быд лёкысь весалис став му.

Ме шуи: — Эм и дзоля ю,
Код йитчӧ гырысь юяс бердӧ
Да океансӧ удӧ-вердӧ,
Но элясяна кыз оз шу...

Том дырйныд сідз ышмас лов,
Он кут кӧ, шондӧдзыс каяс
Да моздор тырыс бисӧ ваяс,
Дзик скӧньӧдз нинӧмысь оз пов.

ЛОВ КОРОМ СЕРТИ

Ог пыр кӧ снҫмас йӧзыслы,
Эн шу, мый вывтӧ рам.
Ӧд ярлун сёысь вӧзйысьліс,
Но менсьым эз чег сям.

Морт сямьд абу сартасыд,
Зэв сӧнйӧра и нюдз.
Ас уджӧн эз вӧв артасысь,
Кӧть сюрлывліс жӧ мудз.

Дерт, овлӧ — сьӧлӧм дӧзмылӧ,
Кор мырсьӧм вошлӧ весь,
Но лёклунӧс ме йӧз вылӧ
Эг песлы и ог пес.

Не йӧзыс кӧ, не ёртъяс кӧ,
Эг эськӧ мортӧ пет.
Он таль кӧ налысь сёртассӧ,
Тэд некод ки оз сет.

Кӧть шудгӧм лоа пӧрысьӧдз,
Но кокныйд туй ог кут,
Мед ог ло сэтшӧм гӧрысьӧн,
Кыз мегырвывса гут.

Ог ло мед уджас пайтӧмӧн —
Со мыйысь висьӧ лов
Да помся шӧпкӧ-кайтӧ мен:
Кыз кора, сідзи-й ов.

ДЯДЬ ВОДЗ ПИЯН

Планета вывтї шойтысь мови
Му мѳдар пельѳсѳдзыс нунс,
Кѳн сѳкыдысла ружтѳ муыс,
А енѳж ставнас чим лѳз шѳвк.

Быд бурсѳ быдтѳ лышкыд му!
И, чайтап, йѳзсѳ вердѳ бура,
Но дядь водзад кѳ пѳ тай сюран,
Гѳль мортыд он на сѳй да ю.

Ой уна-уна дядь водз пи
Оз тѳдны танї дѳна батьѳс;
Йѳз муысь локтѳм мудер дядьѳ
На пѳсьѳн шонтѳ ассыс ки.

Со налѳн ѳти сѳлѳм дой:
Син водзын улис дука жырѳяс,
Кысь тшыгла пышйѳмаѳсь шырѳяс,
А морт сѳн коллялѳ сѳѳд вой.

Дядь кыш му и ва, и вѳр,
Пеж ловнас кутѳ мыйта колѳ.
А дядь водз пиыс сѳнї олѳ,
Кѳн кыкѳн пуксыны он тѳр.

Ме тѳда: кодї быдтѳ нянь,
Код сывдѳ кѳрт, код перїѳ руда,
Ми моз жѳ аски лоас шуда,
Горш дядьтысь мырдляс ыджыд пань.

ОЛӨ-ВЫЛӨ

Олө-вылө сямтөм баба...
Оз жө баба! Олө дед.
Мыйкө пессяс, вийсяс, лябас,
Гөрд кө мыжавны оз шед.

Ылі муын сійө олө,
Йөр удж помысь шонтө мыш.
Коркө көдзыджык кө лолө,
Шуас, гөрдъяслөн пө мыж!

Ломтас бырө. Қыйсян пыжас
Дугдас шыавны мотор.
Дерт нин, гөрд роч бара мыжа,
Ловъя юрөн мынтөмтор!

Өтчыд забастовка дырйи
Кусі би и быри ва.
Дедө горзіс льөбзигтырйи:
— Мыжа таысь гөрд Москва!

Ловъя юрөн мынтөмторйыс,
Збыль кө шуны — ачыс, дерт.
Ми өд төдам: став лекторйысь
Медся мыжа сямтөм дед.

Йөзыс радласны мый вынысь,
Дедөс гуаласны кор:
— Ловъя юрөн тэысь мынім,
Ловъя юрөн мынтөмтор!

БАРА МУЗАКӨД

Бара Муза туйо коро,
Нуодчо, и лич оз лэдз.
Ветлам, шуо, бур йоз доро,
Корсянторным сюрас сэсь.

Коть пө-й конкө век на шежсьо,
Нёрпалө кык кока зверь,
Оломыс жө бурлань вежсьо,
Вежсьо-й йозлөн олан сер.

Тэ пө веськөдін нин бурлань
Аслад кывбурлысь виль визь.
Коть пө-й вутшкөсиныс сюрлас,
Водзын воас шылыд видз.

Мирыс төдө, миян гөлөс
Бур йоз пөвстын сибыд, пөсь.
Оз өд прөста вудж кузь вөлөк
Ылі муысь локтөм гөсть.

Коркө вөлі сылам-ёрччам,
Өні бур морт тадз оз сыв.
Дружба — Фройндшафт!
Дружба — Фройндшафт! —
Чужис дзик виль сыланкыв.

Ме өд, Муза, дзик жө тэ кодь,
Отар джыннам — дипломат.
Но ог вунөдөй ми некор:
Мөдар джыннас — ме салдат.

НИМЛУН ВЫЛЫН

Озыр талуи пызан выв.
Пызан сайын чочкѳм ныв
Мусукуыслысь нимлун пасйѳ,
Сыкѳд орчѳн ставыс ас йѳз.

Румка тырѳн сувтис дед,
Кѳсйис шуны: «Кузь нѳм тѳд!»
Вомсѳ восьтыны эз удит,
Нылыд панйис. Но и мути!

Деда-внука костѳ ныр
Зургис — эз тай кѳсйи дыр:
— Именниклы свны-вывны,
Менсым сѳлѳмѳс век кывны!

Бур шуд сылы да кузь нѳм,
Кодѳс сйѳ сетас мем.
Сиа, мед оз торксы шудным,
Нѳм чѳж менѳ вердны-удны!

Пыр мед корсьѳ сылѳн син
Бурджык наѳѳвитанин,
Аддзас кѳ мѳд мича нылѳс,
Сѳк мед дзикѳдз синтѳммылѳ!

Виччыси на пѳсьджык кыв...
Ог тѳд мыйла — ланьтис ныв,
Гашкѳ, сылѳн лолыс тыри,
Гашкѳ-й, снанторйис быри.

ЮКМӨС ДОРЫН

Юкмөс дорө вала петі,
Талун нин со петі мөдысь,
Васө көсья нуны сэтысь
Код нин төдас кымынөдысь!

— Атьё! Ыджыд атьё тэныд! —
Копыртчылөмөн ме шуи. —
Прөстит! Паметьой зэв дженыд,
Ог төд, мыйта ватө юи.

Со и мөд нин локтө вала:
Туша мыгөрыс том нывлөн,
Шпыннялө да локтө талань,
Сідзкө, бантөмөс кывлөм!

Көнкө, чайтө, йөй пө татөн,
Мывкыдыс пө торксьөм талөн,
Со пө юкмөстө и ватө
Копрасьөмөн атьёалө.

Кыла, скөрлун менам сукмө:
Мися, лолөмыд жө кыськө!
Код нө мортөс, оз кө юкмөс,
Код нө юкталө да мыськө?

Некор некодысь оз дөзмы:
Юөй, ловнытө эн косьтөй.
Сідзкө эськө ме ас йөзлы
Вөчи бурторсө дои бөсьттөг!

МИЯН КАРЫН ЙӖЗЫС БУРӖСЬ

Миян карын йӖзыс бурӖсь,
ОбидитӖмысь эн пов.
Кыз кӖть йӖрман, мездьсь сюрӖ,
СӖмын бур йӖз ногыс ов.

Керкасьыд кӖ мыйкӖ вошас:
КорсьысьӖмысь оз босьт дон,
ВошлӖмтортӖ ваяс чожа,
Честь тӗд сетас понъя зон.

ТӗрмасигӖн, асья кадӖ,
ТуйсӖ вуджны он кӖ куж,
Бур морт тюрзӖ сэн и татӖч,
Мед пӖ лекторйыс оз чуж.

Улич вылын унмыд жмитас,
Он на удит куьны син,
Локтас бур морт, кӖзырнитас,
Шуас: — МӖдӖм, гражданин!

СӖдзкӖ, лӖксъыс нинӖм повны,
ТатшӖм бур йӖзыс кор эм.
НакӖд, майбыр, позьӖ овны,
Шынякывны тӗд и мем.

КОДКӖ ЛОКТӖ

КодкӖ локтӖ! Збыль тай локтӖ!
КодӖ локтӖ, век на ог тӖд.
Мый пӖ локтӖ и оз пыр,
Мый нӖ кӖсийӖ сӗтшӖм дыр?

Эг-ö пöрысь пельнам ылав?
Кыла, гыпкöм шыяс кыла.
Вöлöм öшинювса коз
Вывсьыс кисьтö лымлысь поз.

Петі, горöді коз пулы:
Мися, абу на öд тулыс!
Кадыс сöмын на февраль,
Мыйла пöрччин елжыд шаль?

Со и аслам вель поводдя:
Локтö трактор куйöд доддя.
Шуа, регыд жö и тат
Локтас тувсов кодза кад.

Локтö тулыс! Тулыс локтö!
Пыркöд, тöлöй, лымйöсь коктö!
Регыд кулан, дыр он вись,
Вежöдö нин кывбур визь.

КОР КИЗЬÖРМÖНЫ КЕЛЫД РУЯС

Кор кизьöрмöны кельыд руяс,
На сайысь мыччысьö вель лун,
И пыр жö пыркнитöны ун
Нитш вольöс вылö пожöм пуяс.

Бур асыв тэд, лесник, бур асыв!—
Тадз веж яг лэдзö первой шы,
И шондi югөръяслөн гы
Нюм чужтö джуджыд туганьясын.

Мем тöдса пуяслөн быд сылан,
Дыр кывза найöс асывводз,

И кыла ловъяясӧс моз...
Мӧд, гашкӧ, оз, а ме вот кыла.

Нем повтӧг заклад вартны лысьта —
Мем тӧдса тан быд ловъя лов.
Ас мортысь некод скӧнь оз пов,
Лесникӧс тӧдӧ весиг пыста.

Ог кантчы, мый ола накӧд,
Мый вӧркӧд кӧрталі морт нэм.
Кӧн ещӧ татшӧм мӧд му эм?
Ог эскы, кызд кӧть менӧ такӧд.

Сідз, другъяс, сідз! Тэд мӧдтер колӧ,
А меным мусмис вӧрса удж.
И ог кӧ нин дзик выльысь чуж,
Ог вермы пӧрйӧдлыны лолӧс.

ГӖСТЬКӖД

Ми гӧстькӧд видзӧдім концерт:
Гид пыдди талун вӧлі сылы,
Ӧд мортыс локтіс ылысь-ылысь,
Гавайскӧй шӧныд діяс выльысь.
Мый сцена вылас, эз тӧд, дерт,
А сәні — Совет мулӧн эрд.

Гӧсть юасьӧ — зэв сибыд, рам:
— Кытш шӧрас кодкӧ сәтшӧм мича?!
Ме пӧся-пӧся вочавидза:
— Сән миян эзысь именная!
Став татчӧс йӧзлӧн муса мам,
И олан гаж, и олан сям.

Семьяным ыджыд. Дас вит чой.
Мам гөгөр бергалёны кытшын.
— А кутшөм чой сэн медся ыджыд?
— Ме ног кө, удж вылын и тышын
Дас витнан чойыс зіль да збой,
Пыр дасьось мыркны — лун көть всй.

Тэ любой чой динё көть пыр,
Бек осьса наланьё туй-ордым.
Бур гөстьөн лоан тэ на ердын,
Он казав, йёзын али гортын...
Та бёрын гөстьой шензис дыр,
Дыр шензис ышлолалігтыр.

СТРӨГ НЫВ

Зонмыс ётчыд да и мёдысь,
Мёд рыт ныв динё эз лок.
Нывлөн сёлём дойён одис,
Збыльысь делёыс зэв лёк.

Тадз пё торкавны пёрадок!
Сюрлан пё мем ырьян зон.
Он кө көсйы овны ладён,
Тэнё велодас закон.

Синва кисьта, чужём мыська...
Он кө лок да прёща кор,
Таысь кыв кутёмё кыска,
Сувтас общество ме дор.

Мый и кера, мый и кера?
Талунёдз эг гөгөрво:
Колё примитны стрөг мера,
Сытөг немся төлк оз ло.

ТОМ САЛДАТ

Аддза, содіс сьлөн дон,
Кык пөв донаджык со лон.
Төрыт вөлі сиктса зон,
Талун нин сөвейскöй вонн.

Төждысьөмыс юр вывтыр,
Могыс сьлөн лыдтөм-тшөттөм.
Шуан — вөчас пырысь-пыр,
Небось оз ков мөдысь тшөктөм.

Босьгас кнас автомат,
Стволсө порок тшынысь мездас.
Югдөм ствол пыр том салдат
Мыйкө-й дзоргас чужан грездас.

Оз на вөлөм дзоргы весь:
Көсийөмторйыс сьлөн иніс,
Мыйөн юөр воис сэсь —
Топөдыштліс морөс дінас.

Лыддис. Юөрторйыс бур,
Кутліс мөдысь мамсө пыдди.
Мыйлакө вот луддзис юр,
Бара ставнас помөдз лыддис.

Век жө майшасьөмлөн вез
Гильөдыштис чужөмбансө:
«Нем оз гижны тырис эз...
Тыртисны-ө вося плансө?»

ГРАНИЦА ВЫЛЫН

Граница вылын джуджыд сѣи,
Сѣн саяс вѳраин.
Сэн сулалѳ том, повтѳм зон
Мѳд мукѳд син на син.

Мѳд муас эм на зверлѳн порк,
А сысянь бур он босѳт.
Мед зверыс йѳзлысь ун оз торк --
Салдатлѳн синмыс ѳсь.

Мед сѳмын видлас вуджны тат,
Туй потшас вына «Стой!»
А сяркнитас кѳ автомат,
Тшѳтш дрѳгмунлѳ съѳд вой.

Но овлѳ жѳ и шѳйччан час,
И ружтывлѳ баян.
Зѳв любѳ сѳки кывны тась
Важ коми «Шондѳбан».

Оз казавлы кѳть сыланкыв,
Том съѳлѳм лолѳ нор:
«Вай висѳтав меным, муса ныв,
Кор аддзѳсям ми, кор?»

Зѳв матыи лолѳ коми яг,
Но зон оз ылав, оз.
Кор эм на кѳнкѳ наян враг,
Пост энѳвтны оз позь.

ПӨЛЛӨН ВИСЬТАСЬӨМ

Аслам пөчкөд нель дас во нин
Олам-вылам бурсьыс-бура.
Өткодь мяян — ме ог шмонит —
Өткодь бур температура.

Муртса вөрөшитчас ыркыд,
Вылас чөвта роч ной азиям.
Кыла, шоналис нин гыркыс,
Сөмын гөтырөй эз казяв.

Ассьыс нотасө кор лыддьө,
Сэки сэтчөдз өзьяс морөс:
Ёсьталөмсьыс ошка быттьө —
Ёна топөдча сы дорө.

Пөчө сөйө меысь дубөн,
Оз көть кажитчы, ог солав.
Сылы, видзөда да, любө:
Молодеч пө, ме ног олан!

Гөтыр эськө овныс — олө,
Сөмын өтиторйысь полө:
Меысь водздзык кө пө кулан,
Некод оз коль кипод улам.

БАТЬ ДА ПИ

— Ыджыдтор вылө эн артав,—
Кулөм водзас шуис бать.—
Коля төрмөм керка-карта,
Богословө ветлан дадь.

Ассым ыджыд шуд эг су тай,
Сутөмтортө этша кутан!
Көть со пышйө меысь вын,
Төждсьыс, кулан да, он мын.

Батьлысь нэмся төждысьбөмсө
Пельпэм вылө лэптї кор,
Олөм сетіс мем көрт лөмсө:
Мун пө уджав, шудтө дор.
Сэксаңь удж вылын век дорси,
Қорсянторйөс помөдз корси,
Төді, уджөй кө оз сет,
Тыртөминө шуд оз пет.

Тадзикөн и шудөс суи,
Сө во сійөс видзны дась.
Но и сьөлөмсянь жө шуи:
— Аттьө тэд, Советскөй власть!
Қызьөд нэмлысь донсө төда.
Медым тшөтш кызь өтиөдас,
Ог кө ачым, вуджас лов,
Сэсса нинөм мем оз ков.

ТУРӨБАЛІГӨН

Му да еңэж ставнас помся,
Өти рыаңн оз сюр.
Ме өд мөдөдчи ас чомсянь,
Турөб, вывтисө эн дур!

Қөсьянінө, кызд көть мудза,
Вуджа помтөм-дортөм эрд.
Дзєбсьы, мустөм неминуча!
Қыйдөс вылө тэд ог шед.

Ииа лым көть синмө бытшкө,
Туйсө муслунлысь оз тырт.
Эновт дурөмтө. Ме пытшкө
Радейтчөмсө унджык пырт!

Пессян, вийсян тышкас-мышкас,
Быттё Гоголь дырся дяк.
Төдан кө өд, нефтевышка —
Менам сёлөмлөн маяк.

Нефтьсө перйысьыс со ачыс
Менө виччысьө нин тан.
Аддзан, шапкаыс кыз качис?
Быттё воссис выль фонтан.

Ныв кө зонлы сывъяс сюрө,
Оз нин сибава немся чөрт.
Видза колян, ымзысь турөб!
Ме со нюмъяла. Тэ — бөрд.

КУВЛЫТӨМ КОБЗАРЛЫ

Сёлөм чукөстис кор тэнө,
Шуин, олөй-вылөй,
Эн пө вунөдөй и менө —
Казьтыштлөй бур кылөн.

Тэнад ыджыд да бур нимыд
Пушкинкөд век орчча.
Ми көть бырам, тэд оз имит —
Внукъяс ордө кольччан.

Тэныд, кувлытөм Кобзарлы,
Бур йөз копрасьоны.

Кутшөм вөлі тэнад арлыд,
Сэтшөм на и өні.

Вөрөг тэнө выльысь дорліс
Важся сімөм чептон.
Пежөс став вир-яйөн ёрлім.
Венім, ки эг лэлтөй.

Кодыр мездім Украина,
Гажа чужан мутө,
Медым көсйөмторйыд инас,
Окалі ме гутө.

Огө вунөдөй ми, огө,
Он коль вуджөр сайө.
Со тай тэнад тэчас ногөн
Гижи стихсө тайөс.

ЧУКЫЛЬ-МУКЫЛЬ...

- Кытчө ветлін, чукыль-мукыль?
- Шырөм бурьысь, мый тэд могыс!
- Зэв тай гудыр, зэв тай жугыль..
- Меным тырмө на тай шогыс.

Тадз кө лоө водзө, төдан,
Ачым черняскөд пөда.
Подйисны нин вөйөм керъяс,
Кулан көть, да этша перьян!

Кор завод лёк мыльөс койө,
Мыльөс ядыс синмөс сөйө.
Кутшөмкө «нечистөй сила»
Вөчлө меысь сьөд чернила...

— Меным абу жö öд бурыс,—
Паныдаліс шырöм бурысь.—
Тадзнад керъяс, лöпъяс улас
Менам веж лолöй тшöтш кулас.

Тайö нöдкыв сяма висьтыс
Менам лэлын дойөн письтіс,
Сьölöм сэрöгöдзным сидзис,
Помся горза:— Вөр-ва видзысь!

Вөр-ва видзысь! Ми öд мортъяс,
Вөрлөн-валөн другъяс, ёртъяс.
Сетам кö ми другöс вины,
Асланым тшöтш косьмас киным.

ОЛÖМЛÖН ЗАКОН

Локтіс ме ордö том зон:
Тэ пö тöдан быд закон,
Институтö пыра таво,
Велöдны пö кута «право».

— Сідзкö, джывыйö юрист?..
Оз мед дöзмöд гажтöм висьт,
Ветлам, петкöдла законсö!—
Эг-ö нин ме повзьöд зонсö?

Мыйкö тай зэв полігтыр
Синъяс вылö дзоргис дыр.
Зіля збойлун пыртны лолас:
— Аддзан, зымвидзö виль школа!

Челядь тöдмалöны тан
Олöмыслысь гуг и бан...

Онi, улич вылас жар кӧ,
Тэкӧд пыралам вай паркӧ.

Пырим. Кодi уджысь прӧст,
Ганi медся дона гӧсть.
Аддзам, шывъялӧны гозья,
Бытьӧ видз выв кисьмӧм озьяс!

Сэсся, шуа, абу грек
Видлыны заводлысь цех.
Со тай зонмыс соссӧ пуджӧм,
Дзоньнас самасьӧма уджӧ!

Ставыс тайӧ,— кылан он?—
Миян олӧмлӧн закон.
Асьным сийӧс быд лекторийсь
Удж вылын и тышын дорйим.

Дерт нин, тайӧ тӧдса тэн,
Да ӧд аслым любӧ мен:
Татшӧм бурыс, татшӧм ёныс
Мирас абу на законыс!

КНИЖНО́Й МАГАЗИН

Пыри книжнӧй магазинӧ,
Мися, вузӧсыс кыз инӧ?
Книгаыд тай, вӧлӧмкӧ,
Бурмӧдӧ на сьӧлӧмтӧ.

Локтис питор, визув, тэрыб:
— Кӧни менам Гулливерыс?
— Некор ми тэ кодьястӧ
Огӧ кольбӧй мойдьястӧг.

Аддза томник бур нылӧс,
Нюмыс весь оз пет на сылӧн:
Быдса нель том вӧдитӧ —
Дыр-ӧ лыддян ӧтитӧ!

Мӧд сэн шуӧ:— Тэ ӧд он тӧд,
Менӧ лирика век шонтӧ.
Вай мем кодӧ кывбура,
Ме ӧд тшӧтш жӧ ныв юра.

Коймӧд нюмъялӧ:— Мем Роза
Тшӧктӧс ньӧбны стих и проза,
Радейта пӧ Жаровӧс
Да ещӧ Гончаровӧс.

— Кодлы колӧ, эм сатира...
— Сы вылӧ ме абу вира,
Вывтӧ ёна чуткасьӧ,
Вай ме ньӧба шуткасьӧ!

МУН, ВЕСАСЬ, ДЯВӖЛ!

Кор гусьӧник, а кор и явӧ
Тэ няйтсӧ пыртлӧн керка тыр.
Ми тэнӧ терпитӧм нин дыр,
А ӧнӧ весась вай, пеж дявӧл!

Кор йӧзыс визув паньд катӧс,
Сэк гусьӧн розьӧсьталӧн пыж,
И мян вылӧ лэптӧн мыж.
Мун, весась! Пыр жӧ весась татысь!

Кор врагкӧд тышкасим ми ставӧн,
А мыс — кыксӧ миллион,

Тэ, кыдзи мышсянь пурьсь пон,
Змей позъяд дзебсясин, пеж дявёл!

А өнi пежөсьтан тэ найөс,
Код олөм донөн дорйис мир
И ловъяяслысь сөстөм вир.
Народ оз некор прөстит тайөс!

Он небось яндысь! Миян вылө
Сьод няйтось пөжалан пасквиль.
Лөк вылө пырны ой-ой зиль!
Көть эськө дінсьыд шой дук кылө.

Тась ёран пөрысьөс и томөс,
Син вежө тэнсьыд миян флаг.
Мун, весась, зывөктана враг,
Да некор эн лок керка помө!

КОРКӨ КЫЛӨ, КОРКӨ ОЗ

Кодкө лунө саридз сайысь
Висьтсө тайөс сьөрысь вайн.
Тi кө эськө ветлід мекөд,
Адзылінныйд тешкодь Джекөс,
Коді пельтөм пөчным моз,
Коркө кылө, коркө оз.

Компаньоныс сылы кайтө:
— Трестным киссьө. Содты пайтө...
Джек! Тэ кодлы кисьтін чайсө?
— Ме өд кылі, кисьт пө чайтө,—
Ышловзис да шунс Джек,—
Пельтөмыдлөн гөгөр грек.

Генералкөд сёрни пансис:
— Дісө төдан океансьыс?
Сійөс босьтам, база восьтам.
— Босьтам! Талун жө көть босьтам...
Пельөй воссис!— радліс Джек,—
Пельтөмөн не лоны век.

Шефыс локтіс:— Джек, тэ көні!?
Уджалысьяс бастуйтөны!
Қовмас содтыны удждонтө...
— Мый, мый, мый? Ой, пельөс ёнтө!
Повзис нылыс, кашкигтыр
Врачла муніс пырысь-пыр.

Локтіс Джек дорө том врач,
Видлаліс да шуис тадз:
Медбур зелля лоө сын —
Купайтыштөй сола тын:
Дзумгөй кыкысь, лэптөй өтчыд,
Сэсся оз нин висьмыв ньөтчыд.

РАДЕЙТА

Радейта ме кымын нылөс,
Некодлы не төдны.
Он ви некор сьөлөм кылөм —
Сэтшөм нин морт рөдным.

Тэ кө шуан, юрид куш нин,
Көзыр шнячка сэтчө:
Радейтчөмлы — шуліс Пушкин —
Любөй арлыд сетчө.

Кыз он радейт, нылыс бур да,
Быдтор кужо, сяммо.
Сыкод орччон ытшкан-куртан —
Мудзыд весиг раммо.

Босьтам модос, коди куто
Ки вылас дзонь ферма.
Сийос, кызни ассым шудос,
Окышны на верма.

Коймод ветло менам туйод,
Менам керка полон:
Вайо турун, нуо куйод,
Сэк жо-й шонтө сьолөм.

Рытнас тэрмасы ме клубо,
Ужнайтны ог эштыв.
Нывъяс вылысь — сэтшөм любө!—
Синъясос ог вештыв.

ӨТИ АСЫЛО

Өти асылө чеччи зэв водз,
Эз на муткырась кыалон лёдз,
Эз на асыввыв гөрд рөмон банйы:
Мися, өтчюд коть шондиос панйи!

Мый водз шөйтөмсьюд, удж кө он вөч,
Вида ачымос, жөдз, мися, жөдз!
Тадзи вөйпся, н ошкатор кыла —
Рөммө пытшкөсын морт йылысь еылан.

Мыйон сыланө веськаліс морт,
Менө кыпөдіс тыдавтөм борд.

Ачым качөдчи шонділы воча,
Татшөм дивөйд овлө зэв шоча!

Вывсянь муланьө дзоргыны понді:
Қарын некөн на эз мыччась шонді,
Мися, өтнамлөн шондіыс эм,
Шудыс со кызди мойвинс мем!

ПОМӨСДИН ТЭ, ПОМӨСДИН

Помөсдин тэ, Помөсдин —
Менам ШҚМ-өй,
Выль юр менам да выль син,
Абуөй и эмөй.

Пазөд, йна вевттө кисьт!
Қылан менө, Помөс?
Медым пөрысьлун оз письт,
Сэкса кодь мед томөсь.

Төда тэнсьыд важ зуд кум,
Синъяс водзын — Домна.
Қөть и шымыртлө шог дум,
Олөмтө он томнав.

Бытгьө өні на ме сэн,
Паметь оз төд сетчөм.
Аддза, кызди Тима Вень
Эжва дорө лэччө.

Эськө бергөдчывны бөр,
Воны сэтчө, көні
Тима Веньлөн подув вөр
Быдмө на и өні.

Помөсдін тэ, Помөсдін —
Менам ШҚМ-өй,
Менам выльысь чужанин,
Выльысь вощьом нэмөй.

ВОЙСЯ ВИЧЧЫСЬӨМ

Сьөд вой, а гөтырөй эз лок...
Быд кок шы кывза, дзик быд тувччөм,
Со көнкө кывліс понлөн увтчөм,
Вөр сайын шыасьліс гудок.

Оз тыдав тöлысь-паназыр,
А, гашкө, дзебсис кымөр пиө?
Дзик менам гөтыр кодь жө сійө,
Тшөтш сы моз рытйысьө зэв дыр.

Мый лоис гөтыркөд, ог төд...
А, гашкө, юсө вуджиг вöйи?
А, гашкө, косявліс лөк кöин?—
Ийө думöй менам сьөдсьыс сьөд.

Мем чайтсьө, өтнам ме ог узь,
А, вөлөм, шыалө и вöрыс:
Ас ногыс мыйкө ёрччис-сöрис,
Кöч кыйны петіс, кылө, сюзь.

Друг бөррдзис өшинь. Эз-ө зэрмы?
Збыль, войся уджыслысь пример
Мем кутіс петкөдлыны зэр,
Кöть сідз нин узьнысö ог вермы...

Вой пышійс. Асья шонді моз
Горт шөрө гөтыр менам пырис
И шунс ыджыд ышлов пырыс:
— Кузь вой эз уджав перевоз.

СЬӨЛӨМ СЕТЫСЬ

Дзик на джыдж кодь менам внучка,
Менам дона сьөлөмшөр.
Мыжтор вөчас, босьта ньөр,
Сылы пыдди муас кучка.

Өтчыд пес тэчны ме петі,
Локтіс внучка: тэч пө, тэч...
Дедушка, тэ молодеч!—
Думсьыс меным сьөлөм сетіс.

Ачыд, мися, молодчина!
Донъявны кө кужан удж.
Сэсся джыджөс пөрысь кутш
Дыр ме кутлі кыкнан кинам.

Кыз нө сы дінө он сирась?
Сэтшөм нимкодь лои мем,
Кылі, мыйкө-й менам эм
Ичөт мортлөн визув вирас.

МИЯН КОЗИН

Яр шонді, кытчө көть он мун,
Лым шебрас пешкылялө мулысь.
Оз узь, ме аддза, вильыш тулыс,

Старт сетö панласьны быд юлы,
И юяслөн быд час, быд лун
Пыр туö-содö тэрыблун.

Крут берег вывсянь асьядор
Қыр горув котöртисны керъяс,
Ю пасьталаыс гылөн серъяс,
Ми сәни пöриöй йöз и нэръяс
Пыр водзö содтам уджлысь гор,
И сöмын сайкалам рытеёр.

Қыз радлам — висьталöм оз ков:
Қор зарни козин лэччö ягысь,
Қор миян кнын ворсö багыр,
Қор сьöлöм оз тöд немся пагыр,
Сэк енэж вевтöдз качö лов
И ваö усьöмысь оз пов.

Яр шондi гильöдчö нин со,
Ми бара козин чöжны петам,
Отчизна-мамлы ставнас сетам,
Öд мамысь бурыс вöльной светас
Эз вöвлы некод и оз ло,
Кöть муыс сулалас сюрс во.

А. С. ПУШКИНЛЫ

Тэ век тай медмуса поэт,
Ас дiнад важ моз кыскан сьöлöм,
А сьöлöм кылöмтö он öлöd,
Пöсь ловлы паныдөн он пет.

Эз тэнад тыртöмниö усь
Народöс садьмöдысь пöсь кылыд,

Медпервойӧн планета вылын
Кыз унсӧ пыркнитіс ӧн Русь.

Тэ ӧні вӧльнӧй гражданин,
Тан важӧн сімис сарлӧн троныс,
А тэнад кывбуръяслӧн доныс
Оз некор сім, оз некор чин.

Тэ пыр на талуныя поэт,
Бур мӧвпъяс чужтӧ тэнад лира,
И вывтiasьтӧг шуам: мирас
Мӧд тэ кодь, гашкӧ, эз на-й пет.

Отчизна весьтад мездмӧм удж
Выль мойд кодь олӧм тэчӧ-лэптӧ,
И вынӧр содтысь зарни шептӧ
Сьӧд ужпинь некор нин оз чуж.

АКАНЬЫС ЗАПАНЬЫСЬ

Лыддысьысьлы шуа водзвыв,
Ыдъясьӧмыс мед оз чуж:
Тані оз ло немся водзкыв,
Сылӧн гӧрддзасьліс нин вуж.

Қылӧдчанінысь ме локті,
Мекӧд ичмонь, менам пӧв.
Сӧмын қыла: «Ок, ті, ок, гі!
Быттӧ нылыс тан эз вӧв?»

Вӧйпсьӧм кӧть ме ошкӧм қыла,
Ӧні оз нин кольмы юр.
Тӧда, сьӧлӧмӧй эз ылав —
Тадзтӧ, мися, мед на бур!

Тьотка юасьö коть бурьсь,
Синмас завидьтана би:
Зарни аныс пö кысь сюри,
Висьтав меным, дона пи?

Эз öд кырсь моз керйысь чукты.
Мися, тайöс на он тöд!
Сьöлмöс ме ставнас пукті...
Эг кö удит, пуктіс мöд.

Мöд тьот шензьö ичмонь дiнам,
Бокас швачйöдлö со кинас:
Кысь пö татшöм аканысь?
Мися, тай нö запанысь!

БАСНЯ ПЫДДИ

Кöзяин садитіс том пу
И шуис:—Мулысь сёй да ю,
Став вынсö сэтысь кыскы меным,
Мед тэкöд быдөнöс ми венім.
Зэв тшапа пуыс лэптис юрсö:
— Ме — тэд, а йöзлы ог вай бурсö!
Гі, гашкö, кыксё воысь дыр
Йöз пöсьöи пуыс быдмис пыр.
Но век жö нем виччысьтöг висьмис,
Дерт, горшлун вöсна вужйыс сісьмис.
Быд бушков чегъявліс кос ув,
Но пуыс дзикöдз эз на кув.
И коркö сэсся öти лунö
Кöзяин корис тöдысь тунöс.
Тун шуис, колö пö нель пыкöд,
Дыр сэсся пыклысисны кыкөн.
Дзик весьшöрö! Сэн кыптас төв —

Грыпмунас пу, эз быттьö-й вöв...
Кыз тайö пу йывсьыс ми гижим,
Тадз овлö Римын и Парижын.
Премьер сэн олас тöлысь кык,
А сэсся пөрö, кызд көть пык.
Кор эм на капитал система,
Он шу, мый баснялөн сись тема.

СБÖЛÖМ СЫЛÖМ

Абу прöстö бур мам йöлөн
Нуръясьлöма менам сьöлöм:
Кымын унджык олö-вылö,
Сымын унджыктор и кылö.

Весиг ыджыд муслун кылö,
Тöдö, могыс тайö сьлөн.
Сидзи радейтö ас мусö —
Би оз сот ни ва оз кусöд!

Мортöс увтыртöм кө кылас,
Кывйыс сьлөн оз ло ныла.
Кодыр буртор сюрö аслыс,
Зильö юкны мукöдъяслы.

Лёктор вылö шытöг горзö,
Ачыс кылö, кызди чорзьö,
Меліалö кө том нылöс,
Кылö, кызди ачыс сьлö.

Йöзлысь шог и гажлун кылö,
Быд лун на йылысь и сьылö.
Медбур сыланкывйыс сьлөн
Мортлысь бурлун, сьöлöм сьылöм.

Тайӧ сьылансӧ ме кыла,
И тшӧтш ськӧд сьӧлӧм сьыла,
Медым мортлӧн олӧм-вылӧм
Нэм чӧж вӧлі сьӧлӧм сьылӧм.

АСШӦР СЬЫЛАНКЫВ

Лун-лун ытшка, ытшка, ытшка,
Бокысь немся шы ог кыв.
Сӧмын кыла, морӧс пытшкам
Бӧрӧшитчӧ сьыланкыв.

Вӧля сета, эрдӧ петас
Сьӧлӧм бердын сӧвмӧм джыдж,
Веж видз весьтын тан и этан
Вӧчас мекӧд ыджыд кытш.

Аслам сьыланкывйыс тайӧ:
Сег веж уличасӧ, сет!
Мекӧд некод эз пыр пайӧ —
Композитор ни поэт.

Татшӧм мӧвп да татшӧм кывъяс
Мӧдлы вежӧрас оз писът.
Кывзӧй, зонъяс, кывзӧй, нывъяс,
Сьылӧ ытшкысь машинист!

«Кымын унджык ытшка-курта
Витамина бобӧнянь,
Сымын ёна бердас сюртас
Менам лысьтысьысь том ань.

Кымын кузьджыкӧсь покосъяс,
Сымын дженъыд кӧдзыд тӧв...»
Сьылан помсӧ сёрдъяс, лосъяс
Лывкйӧдлісны на мӧд пӧв.

ПОВОДДЯ ВЕЖСЬӦ БУРЛАНЬ

Мир дорйысь морт зэв шань и яр,
Кӧрт вӧлясӧ сідз-тадз он небзьӧд.
Ён вына гӧлӧсьяс, ті лэбзьӧй,
Мед тірмулӧ король Доллар!

Трибуна вылын татчӧс зон,
Став залыс чолӧмавны сувтӧ,
А кӧнкӧ ылын век на увтӧ
Миллионерлӧн чеп йыв пон.

Лӧк увтчӧм абу нин выльтор:
Ӧд ещӧ Зимньӧй дорса штурмысь,
Кыз тӧдам, юрныс налӧн дурмис...
Вай сӧрнит, сӧрнит, татчӧс морт!

Бой полюссӧ эз вен буржуй,
Йӧз муысь кодӧ корсьӧ зарни,
Сэсь аддзис миян зіль полярник
Поводдя тӧдмалан вель туй.

И талун аддзӧ нин му шар,
Поводдяыс кыз бурлань вежсьӧ,
Кыз мичмӧдӧны сылысь эжсӧ
Быд мирнӧй сикт, быд мирнӧй кар.

ТЫДАВТӦМ ПОТШӦС

Дзникӧдз нин мӧй лолӧй тӧрмис,
Оз сюр некысь водз ни бӧр,
Мый нӧ, збылысь ӧмӧй йӧрми,
Код тан потшис кутшӧм йӧр?

Видзѳда, а йѳрыс тыртѳм,
Сѳні сулалѳ ме дыр,
Мися, тыртѳм кѳтъ, а мырдѳн,
Йѳрыс мѳдлѳн да, ог пыр.

Мыйла потшѳсыс оз тыдав?
Шензи-тѳраси бур пѳт.
Мися, ме нин дзор арлыда,
Гашкѳ, мойвинс мем вѳт?

Юрси йылѳдз босьтѳс шемѳс:
Бѳтыс вемѳскѳд ѳтсор
Менѳ чуткалѳны емѳн,
Босьт да ло жѳ татшѳмтор!

Вѳлѳм, кодлѳнкѳ кын сьѳлѳм
Туйсѳ збыльыс потшѳ мен,
Йѳзыс ветланѳнѳ сѳлѳм,
Тыртѳм йѳрсѳ видзѳ сѳн.

Буджам кызь ѳтиѳд нѳмѳ,
Сийѳ тыдалѳ нин со.
Мыйла татшѳмъяс век эмѳсь?—
Кѳсья да — ог гѳгѳрво.

ЧЕМПИОНЪЯС БѳРСЯ

Тат мунѳмаѳсь коми зонъяс,
Со тѳдчѳ налѳн лыжня-туй.
ѳд ѳнѳ найѳ чемпионъяс...
Вай вѳтчыла! Оз коскѳ суй.

Мый вѳчыштѳс со изьватасыд!
На йылыс кывбур ог кѳ гиж,

Оз ӱйыв чужӱмын вир пасые,
Пыр нэм чӱж лоас кельдыдвиж.

Дыр вӱтчи. Потӱ нин юр чашка,
И морсӱ мыйкӱ лыйлӱ кос,
Мый вынысь морӱс тырӱн кашка:
Ог, мися, нинӱм вылӱ кос!...

Друг джӱмдӱ. Вот и су да пановт!
Кок чуньяс йылӱдз лӱччис лов:
Ок, мися, тӱ, лӱк Шондӱбанов!
Скӱр йылысь босӱтӱ ме выль ов...

Тӱ йылысь гижа, кылан, лыжня?
Спорт тема мӱдлы ог жӱ сет.
Мый тайӱ? Артмис сӱмын гыжна?
Чернила кымӱма — оз пет.

И аслым сӱтшӱм яндзим лон:
Ок, мися, нем думайттӱм морт!
Нэм кежлӱ вӱлись гӱгӱрвои:
Поӱзияыд абу спорт.

ОГ ПЫР ЗЫКӱ

Ог тӱд лӱкысь али бурысь
Мортыс сӱйӱ мекӱд дурис;
Кыдз тай кода чашка юис,
Пыр и меным крапкис-шунс:
— Нем думайттӱг быдтор вӱчан,
Юрыд тӱнад тыртӱм кӱчан!..

Кӱть эг ю, а вомӱй курдӱс...
Кодыр вӱчлӱм дойӱй бурдӱс,
Тӱндзинас кӱть ӱбидитчи,

Бара ас вылө жө-й видчи:
«Эм на, эм на вöйпанторйыс.
Ланьт вай! Асьтö эн нин дорйы!»

Бек жö тöд вылын ме кута,
Мортыс босьтис вывти крута.
Мед көть крута, ог пыр зыкө,
Нинöм юкнысö мем сыкөд.
Коркө мөдысь, кадыс воас,
Гашкө, ачыс гөгөрвоас.

АСКИАСÖ ДОРЫСЬЛЫ

Тан оз ков некутшöм пророк:
Народөн тэчöм ыджыд планын
Выль воан лунлөн чужöмбаныс
Оз тунав тэныд немся лёк.

И тöрытьяыс син оз курöд,
Эг пукалöй ми кыккирудз.
Ми кым талунъялысь сюрöс,
Тшöтш аскиалысь тöдлим мудз.

А водзын ещö мыйттöм удж!
Оз тыдав сылөн помыс-дорыс,
Но внукъяснымлысь шудсö дорысь,
Ми тöдам, весь овны оз куж.

Дор! Аскиасö талун дор!
Мед коркө тэныд шуас олöм:
— Босьт ставсö, лолыдлы мый колö,
Öд ставыс аслад вöчöмтор!

ВЕЖАВИДЗЫСЬ

Шуан, видны колö менö,
Пöттöдз вöйшны гөгöрбок.
Мыжöс тöдны абу лёк,
Мися, кывза, кывза тэнö!

Йöзсьыс улынджык пö юрыд,
Тэысь вöйыс мöд оз сюр...
Сигөрöдз кö лэпта юр,
Кодлы, мися, лоö бурыс?

Шуан, лөньджык на пö ваысь,
Он пö гора кывтö шу...
Шызьöда кö ва и му,
Мый пö бурыс лоö таысь?

Мöдлөн видöм пö тэд шутка,
Коркö скөрмывлін-ö кöть?
Мися, ме öд абу щöть,
Сійөн, көнкö, и ог чуткась.

Сьöлöмыд пö лышкыд, личыд,
Сідзкö, мыйла вывтi кид?
Таысь бара жö эн вид —
Абу кид, а вежавидзысь.

* * *

Ме мöдöс öнi ог нин велöд,
Öд мöдыс новлöдлö жö юр:
Мед кöритöмыс горш оз зёлöд,
Мед нинöм кыдъяыс оз сюр.

Но мёдыс локтас кё ме динё
Да корас кутшомкё совет,
Ог вомав мортсё. Коланинё
Мый верма, сийос сета, дерт.

А сэсся, сьёлёмыс кё бурмас,
Кызд кёсийс, сідз кё могмас мог,
Ме диньсь быттё кокнас-юрнас
Сэк бара пышъяс өти шог.

Көть эськё шогыс вөлі мөдлөн,
А мёдыс ме кодъ жё өд морт.
Код мөдлысь шогсё ловсьыс вөтлө,
Сы ордё лёкыс туй оз сёрт.

Ог чайт, мый мөвпыс тайё важмас
Да некор мывкыдө оз лок.
Ми пөтөсь-кодөсь олөм гажнас,
А шогыс абу миян вок.

ГЫМАЛІГӨН

Видзөд, видзөд, кызди чардыс
Асьыс биа вөнсьё гартис!
Кылан, кутшөм ыджыд вынөн
Сизим пельё поті сынөд?
Пыркөд, мися, енеж отсё,
Сэтысь пожналышт азотсё!

Төвбыд мыйкё сьёлөм ёнтө,
Тэнсьыд виччысьё озонтө.
Сөмын муркөдчы тэ бурьсь,
Помнит, биөн лёк ног дурьсь
Татчөс йөзлы абу рөдня,
Сийё ковтөм, мустөм вөдня.

Збыльысь, кодыр гымыс мурзё,
Коркөсяис биа юрсё
Быттьö кыпöдышtlö мелань,
Быттьö век на тшын пыр кела.
Кутшöм гымъяс сэки тöдлi,
Сэтшöмсö ог көвъяв мöдлы.

ПУЖЪЯЛÖМ ДЗОРИДЗ

Пулөн корйис еджыд сьöма...
Абу-ö нин пужъялöма?
Кызкö зэв эз лöсьыд ло —
Бара вотöсыд оз во.

Мелiасьö нин көть шондi,
Алöй дзоридз бöрдны пондiс.
Коньöр, кызди нö оз бöрд,
Вöлi алöй, лон сьöд.

Кылi лолөн, кызди дзоридз
Кöдзыд пужсö шытöг ёрис:
Кöсiис мортлы юкны пай,
Онi вотöссö оз вай.

Оз нин отсав, бöрд көть, эн көть,
Томлуныд тай, тэн көть, мен көть,
Усiйясяс, н бөр оз кос,
Мед он вötöd, жуглас пос.

Менам аслам юрси вужйöдз
Юрöй гыörtöма пужйөн.
Кадыс вöчö, нем он шу,
Кодлы потан, кодлы гу.

МЕНАМ КОДЗУВ

Вөвлі коркө менам кодзув,
Дзирдыс век на сингъяс водзын.
Синкым вевдорса пудпасыс
Тыдалө на рыт и асыв.
Мися, кодзулөс кө вошта,
Важмөм тюни моз жө лошта.

Мыйла бара тадзсө шуи?
Нылөс быттьө төв ныр нунс,
Қызди коми мортыд шуө,
Муніс, вошис мутөм муө.
Муса кодзулөй көть берді,
Туй визь кута кодзув серти.

Мортыд ур моз көть оз пуав,
Чеччышті ме мутөм муас.
Вои нин, а төдтөм жырйө
Векджык пырсьө полігтырйи.

Мыжа инасьтөм, пөсь сьөлөм,
Сы вөсна и кутсьө вөлөм
Вугсө пыдди өдзөс дзирсө.
Қыла, нылөй мөдкөд гирзьө,
Часлы, мися, зарни туггъяс,
Қутчысьла на өд и вуггъяс.
Тракниті, и муслун вынысь
Өдзөс калич вужнас мыніс.

Эн нювсы. Эн ёр видзёдласös,
Лөж мичнад, загреки, эн ёр.
Ме öтчыд эг нин веськав пасö,
А öнi сийös, киссьöм васö,
Кöть курала, да зэв нин сёр.

Лэдз тöдмавны мем ассьыд сьöвмös,
Мый сэнi тэнад: йи-ö би?
Нэмкежся дружба кö сэн сöвмö,
Сэк ассьым сьöлöмös ог öв ме,
И тэнад киö пункта ки.

Лөж, наян кылыд сöмын кынтö,
Лөж мичлун нем вылö ог нюв,
На дырйи лёльö сёйö вынтö.
А кодi бурлы бурөн мынтö,
Оз некор вöчöмторйис кув.

Кор зумыд дружба олём подъяд,
Сэк быд удж кивыв мем и тэд.
Быд мытшöд сэки повтöг ордъян,
А мöдлы гуся гу кö кодъян,
Ас кодйём гуад личкас смерть.

КОР ОЗ УЗЬСЫ

Шастита. Оз узьсы войис,
Да и чинис сёян выть.
Уджöй нёрпалö да быть
Унтö öдзös сайö тойышт.

Гыр на бөрря вежон чөжыс
Мөвпөй воча кыв эз сет:
Мыйла пановтис сусед,
Мыйла отнам кысса бөжын?

Бара унджык вөчнс керсө
Мекөд орччөн мыркысь зон.
Мися, кывзышт! Кылан он,
Менам пытшкөсын мый керсьө?

Эм кө чужан мулы уджйөз,
Бур йөз водзас янлө снн,
Аслыд сэк он аддзы ин,
Сөвеств йнджө сьөлөм вужйөдз.

Часлы, мися, пановтла на,
Эз на косөдз косьмы сям.
Ыджыд көсйөм кө оз ям,
Мортыд он на помөдз янав.

САБЛЯ ГӨРАЛЫ

Тэ, Сабля гөра, вылын юра,
И, гашкө, аддзан көнй мый?
Дерт, пөрысь нин, но эн на чурав,
Из пельнад, ноко, кывзы бура,
Кызд подсьыд петө мулөн вый.

Нель дас во сайын Усва вомөдз
Тэ вөлі чөвтлан эзысь снн.
Ме тэкөд төдмасьлі зэв томөн,
Но вунас өмөй олөм помөдз
Том вынлөн быдман-сөвманін?

А талун,— аддзан, Сабля гөра?—
Лым вылас, быттьö кодзувкот,
Оз ланьтлы, пуö тэрыб вöрас,
Дерт, тані весьшөрö оз төрась,
А мыйкө бурöс корсьö морт.

Усалөн эрдыс талун лышкыд,
Сы вöсна-й абу важкодь вöй.
Кöрт вöля зиль йöзлөн оз тшытшысь:
Му выйкөд öттшöтш кын му пытшысьыс
Выль кар тан лэптас бурөвöй.

ОЙ, ИВАН ЖӨ ТЭ, ИВАН!

Ой, Иван жö тэ, Иван!
Кытчö бара муна-а?
А Иван эз вензьöм пан,
Шуис:— Могыс уна на.

Эськө тані оліс век,
Кöні батылөн вужъясыс,
Томлунлөн тай аслас грек —
Лншнöй пессьысь, чужъясьысь.

Со, Иванлөн төдса лос,
Ачыс на тшöтш косьтыліс,
Йöзкөд радын вöчис пос,
Валы түйсö восьтыліс.

Эз кө, шуö, шудöй сюр
Мöдлапöвса кос лосысь,
Корся, кытчöдз эм на юр,
Му вылысь көть космосысь!

Гашкӧ, сьӧлӧм косьтысь ныв,
Коді алӧй бантика,
Корис шуны гора кыв,
Гашкӧ и, романтика?

Мортсӧ ышӧдӧма газ,
Мортыс мунӧ Вуктылӧ.
Мый нӧ, кӧсйӧ кӧ нин тадз,
Тшӧтш мед кисӧ пуктылӧ!

Гажтӧмла кӧ виас шог?
Этша сійӧс виан-а!
Мортыс сійӧ, муса вок,
Мывкыда и киа на.

Ой, Иван жӧ тэ, Иван!
Татшӧм лоан кувтӧдзид.
Водзвыв тӧда, сэн ни тан
Оз сюр тэнӧ сувтӧдысь.

* * *

Ассьым шогӧс кӧ ог йӧзӧд,
Сьӧлӧм личалӧм ог кыв.
Сэтысь тӧвся йна кӧзӧд
Весиг гожӧмнас оз сыв.

Гашкӧ, кодкӧ радлун видзтіс,
Сійӧс юкыштас тшӧтш мем?
Гашкӧ, ас пыткас эз сісьты
Мӧдкӧд сьӧлӧм йитан лем?

Ота-мөдлысь водзөсасыны
Яндысьөмла кө он пет,
Сэтысь мыжаясыс асьным,
Сэсь оз прөстит вольной свет.

МЫЙЛАКӨ ТАЙ ЧУЖСЬЫЛӨМА

Да! Мыйлакө тай чужсьылөма!
Лёк здукьясө ме шула тадз.
Век быттьө менам тшынодөма
Уль пескөн ломтөм чискысь пач.

Век быттьө киссьөм көм-пась дөма,
И век ог аддзы розьтөмин.
Да! Мыйла бара чужсьылөма!
Нэм кежлө эськө куньны син.

Мем збыльысь чайтсьө мукөд дырйи,
Мый вөча йөзлы ковтөмтор.
И ветла йөзсыс полігтырйи,
Нем уджтөмөс мед морт оз ёр.

А сэсся сьөлөм выльысь шызьбө,
Мый весь ме лун-войсө ог сөй.
Мед көть нин аддзас лыддысьысьбөй
Сюрс узьтөм войысь өти вой.

Мед шуас веськыда, оз ылөд,
Мед индас, кытчө лоті кад.
А кутшөм эськө төдны рад,
Мый чужлі тшөтш и йөзлы ылө.

БАЛЛАДА

Стрөг вöлі критик-генерал,
Дыр чежмөдліс поэт-салдатос:
— Ме татшөм стих ог примит матö,
Ог пукты сысы немся балл!

Геройыд тэнад комиссар,
Лёк стихнад сылы пакöсть керин.
Оз туй нор кывбурлөн размерыс,
Тан колö ода — кыпыд, яр!

Эз шöйöвош поэт-салдат:
Потьеöс, Пушкинöс сэк корис,
Мед найöс сувтöдны ас дорыс,
А натөг сылы веськыд мат!

Кöть Пушкин неуна и нор,
Но лыддис ясыда, эз чукрась:
«Ме помнита на югыд здукьяс,
Ме водзö петкөдчин тэ кор...»

Потьелөн сьөлөм пөссьыс-пөсь,
Быд кывйысь садьмас любöй ойбыр:
«Сувт, чеччы, ёрөм-дорөм войтыр,
Сувт, тшыглы кулысь, бөрдысь йöз!..»

Тадз гимникөд орчкөдчис романс.
Но критик-генерал оз верит,
Мый налөн öткодь дзик размерыс.
И, чайтö, эм на вензян шанс.

Да! Овлö тадзи. Нем он кер!
Оз сюр кө ковтөм мыльк ни гуран,
Гыж сатшканиныд век ини сюрас —
Сэк мыжмö кывбурлөн размер.

И унджыкысьсö, кöть и жаль,
Оз пыдди пуктыны салдатöс,
Кöть дöзмылан, но век жö татöн
Прав кольлö критик-генерал.

Мед вöйпсьöм лоас тöлка-лада,
Вай отсав мянлы, баллада!

БАРА ВÖЧИ ÖТИ УДЖ

Бара вöчи öти удж,
Зськö донсö сылысь тöдны?
Ачым донъявны ог куж,
Ог тöд, радлыны-ö бöрдны.

Йöзыс ещö шуас мый?
Колö налы петкöдлыны.
Наысь вылö он на лый,
Натöг буртортö не кыны.

Бур йöз, висьталöй кыв-мöд,
Бур-ö, лёк-ö менам прöмыс?
Збыль öд тiянтöг ог тöд,
Кыдзи мынны ыдъясьöмысь.

АПРЕЛЬ ПЕРВОЙ ЛУНО

Талун первой лун, апрель.
Кыв-вор гильöдны кö ыштам,
Вывтi мед оз съöдмы пель,
Этшаника шмонитыштам.

Ассыс лун-вой сёйыс моз
Шойтны петі, эг мун ягö.
Ог төд могöй могмас оз,—
Муні асывсянь хозмагö.

Вузасысьыс нюмдіс сідз —
Дась ме ньöбны чужöмбансö!
Шуис, эм пö бур кирпич,
Тэ пö, кöнкö, стрöйтчан жö?

Стрöйтчытöг öд ог ов,
Сідз-тадз, мися, ог жö шывъяв.
А кирпичыд мем оз ков,
Меным колöны бур кывъяс.

Кор ме стрöита да тэча,
Колö бур да мича кыв.
Сытöг, став вынös кöть лэдза,
Удж оз мун ни пур оз кывт.

Эм-ö тиян аппарат,
Коді медбур кывъяс бөрйö?..
Вузасысьыд тай, свят, свят!
Кувліс быттö куим пөрйö.

Лолыс бура дыр эз шед,
Сэсса петіс вывті скöрысь:
— Чöртлөн сюрыс оз ков тэд?!—
Шуис мыкталыштöм бöрын...

Эм машина, лöсö из,
Либö кералö из шом.
Кывъяс бөръян механизм
Бек на абу да и пом.

Мөвпөй менө войт оз жалит,
Дөзмөдчөмөн суйсьө,
Мыйла пöльяснымлысь талим,
Нырим киподтуйсьө.

Вөлі сулалө сикт шөрын
Бөччөм ичмонь мич кодь:
Миян йөйлун вөсна пөрис,
Пөрис мыжтөм вичко.

Поптөм вичко эз вөч лөксө,
Ловнымөс эз шогөд.
Мыйла сідзкө юрсө-й боксө
Пузувтїм лөк ногөн?

Тадзи сиктысь вөтлім енсө,
Вөтлім абутөмсө.
Өнї босьтө ыджыд шензьөм,
Вөйпө ылавлөмсө.

Ассьыс киподтуйсьө кольны
Быдөн зільө миян.
Төдө, мый оз нырны-вольны
Пияннымлөн пиян.

Миян лэптөмтор кө пөрас,
Зэв жө оз ло лөсьыд.
Сэки весиг кулөм бөрад
Чепөсйылас пөсьыд.

ОЛАН МОДА

Кутшөм менам олан мода?
Сійӧ, другъяс, век на пода.
Кӧть и коркӧ сюрлас вӧв,
Кокньӧдчӧмла оз на сӧв.

Кӧсйӧ лоны уджалысьӧн,
Лун-лун, сюрӧсасьӧ-кысьӧ.
Мӧд падеж вылӧ оз веж
Керан-вӧчана падеж.

Кӧть и колян кадсӧ пасйӧ,
А глаголлысь ӧнйасӧ
Кутны киас медся рад,
Любӧ сылы-й воан кад.

Кутшӧм, шуад, менам стильӧй?
Асьныд аддзад, мулань зильӧ.
Оз Галактикаӧ ну,
Оланіныс татчӧс му.

Муыс удж вылын и кутсьӧ,
Уджлы ог на пукты чутсӧ.
Сылы вылӧ век на дась
Медъӧн горӧдана пас.

Сӧмын ӧтитор тан торкӧ:
Кортӧм гӧстя воас коркӧ,
Бедь кодь кинас, он тай кут,
Пуктас медся бӧръя чут.

БУР ШУСЬӨГ

Томтунгысь войся вахта нуиг,
Пыр шулі, коркө узылам на!
А сэсся войпукө и сунс,
Ныв дінысь нетшыштіс война.

Сэк унмөй лон ещө вöсни,
И оръясьлывліс любөй здук.
Кор врагөс венім, шун-көсйи:
Дыр кута узыны — вой ог пук.

И бара, мыйөн гортө вои,
Дыр өтнам думайті вой-вой:
Кыдз вöчны бөр, мый биыс сөйис,
Кыдз вöчны, выльысь мед оз сөй.

Важ дед моз ог жө узь öбедня,
Öд ме и удж вылын салдат.
И шонді асья зарни бедьнас
Оз некор узянінысь кат.

Эм комняслөн öти шусьөг.
Ме ног кө, шусьөгыс зэв бур.
Сэн буретш тадзи öд и шусьө:
Дыр узьöмысь пө пась он вур.

ДРУГЛЫ

Менам гижөмтор кө кулас,
Көть тэ друг, а эн жө бөрд.
Тэнад синва дон оз сулав
Сімлы кадтөг сетчысь көрт.

Ковтӱг ӱг чукӱр эн гудӱы,
Лӱма дойсӱ бӱр эн восьт.
Вьль стих перъя сьӱлӱм кудӱысь,
Кажитчас кӱ, сӱйӱс босьт.

Зарниасьӱм кӱть он казьяв,
Аддзан кӱ бур мӱвплысь рӱм,
Нимкодӱйла синмӱй вазьяс,
Важ дой выльсь кулььяс лӱм.

Он кӱ аддзы вьль, бур мӱвпсӱ,
Вӱйп. Лӱж ошкӱмнад эн дзуг.
Менам сьӱлӱм лӱжсӱ вӱйпӱ,
Сӱйӱ тӱ кодъ жӱ бур друг.

* * *

Медбӱръя кыв кӱ медводз шуан,
Эн чайт, мый сӱрныдлы пом,
Сӱк кунсук пельса моз дыр пуас,
Дыр пуас дӱзмӱм мортлӱн вом.

Йӱй кылӱн мӱдӱс чуткалӱмьд,
Мый виччысян, оз сӱйӱс сет.
Тшӱтш асьтӱ коньӱрмӱдан сӱмын,
Мӱд водзас яндзим лӱӱ тӱд.

Кӱть мӱвпад нинӱм абу сьӱдыс,
И лолыд тӱнад абу сьӱд,
Но мӱд ног донъялӱ кӱ мӱдыс,
Мый лолӱ сӱки, он мӱй тӱд?

Дыр мӱвпавла. Ог ӱтчӱд — дасысь,
Мед менӱ оз су татшӱм грек,

Мед йӱзлӱн мелі видзӱдласыс
Ме бӱрся вӱтчнс эськӱ век.

Ме ачым аслым тадзи шула:
Эн сӱрсьыд вӱдит ковтӱмтор,
Мед весиг сӱки, кор нин кулан,
Ас йӱзыд лоасны тӱ дор.

МЕНӱ ЫЛӱДЫСЬЫС ЭМ НА

Вывтӱ бӱб туйӱ ог ов кӱть,
Ошӱысьны оз воссьы вом.
Ог тӱд лоӱма мый ловкӱд,
Частӱ ылавла дай пом.

Шӱйтлывлӱ на мустӱм ылӱг,
Ок, и сы вылӱ ме скӱр!
Шыбита кӱть мусюр йылӱ,
Некор мед оз волы бӱр.

Менӱ ылӱдӱ оз сӱтшӱм,
Сӱйӱ абу ылӱг поз.
Ылӱг вылӱ скӱрмӱ этшӱй,
Сы вылӱ дзик некор оз.

Ылӱдысьӱй пырас жырӱй,
Лунтыр пукалас, оз пет.
Ылӱдас да, мукӱд дырӱн
Сӱйтӱг кольлывлӱ ӱбед.

Пыртас сӱтшӱм мӱвпьяс пиӱ,
Корсьны петан туйтӱ куж!
Код нӱ татшӱмыс, код сӱйӱ?
Менам радейтана удж.

СЭКСЯ ПЫДДИ

Важ кадыс мекөд вөчліс тадз:
Водз тулыс пөри арө.
И пасьталі ме кыйсян лаз,
Кор тыри дас кык арөс.

Эг челядь паськөм новлы дыр,
Водз петі ме на улысь.
Гөр воропысь на улын ныр,
А кывліс көрсө мулысь.

А өні дзирйөдла дзор тош:
Пыр шайтъяс, грөш ог лыдды!
И дас пөв ёна тувсов гож
Мем мүснис сэкса пыдди.

Ме ордым вылын кыйсьө пи,
Тшөтш донъявла ур кусө.
Став котырнаным век на ми
Тась дөзьөрिताм мүсө.

Кор внуклысь нимкодясигтыр
Көм-пасьсө мезда бусысь,
Бөр воывлө на челядь дыр,
Но оз нин важкодъ чусыд.

ВОТ КОЛӨКӨ И ПӨЧӨ!

Йөзөн тыр аэропорт:
Коді лыддысьсө, код жөдзө.
Ещө содіс өти морт —
Мекөд орччөи пуксис пөчө.

Менам сэтшөм тай нин сям,
Шун:— Пöчыс кытчö мöдiс?
— Кутшöм пöч?! Ме даслөн мам!
Видзчысь, пöчнад эн шу мöдысь...

Аньлөн вомалöмысь, дерт,
Кыткö быттьö менам ори:
Лёк морт туйö мед ог пет,
Пыр жö сылысь прöща кори.

Сэсся, кызди тöдса морт,
Войвывланыö индiс кинас:
— Вöлi став ордас. И вот
Муна медся ичöt дiнас.

Мöдысь видчöм ме ог кыв,
Аньлы шун здук-мöд бöрын:
— Быдтiн дасöс — пи да ныв,
Ачуд абу на и пöрысь.

Сийö нюмсö дзэбигтыр,
Синъяснас на мекöд ворсiс:
— Вайсьысь курöгыдлөн дыр,
Медся дыр оз кельдöд сорсыс.

Сёя ме сöветскöй нянь,
Лэптö менö татчöс ваис...—
Усьлис чöv да содтiс ань,—
Томъяслы тшötш аттьö таысь.

Бöвлi менам мазi поз...
Видлы, быдты дас ныв-питö!
Эськö, кагаясöс моз,
Качайтлан на и мудз китö.

МЕ СІЙОС ВИА

Лёк рёк кё тшукас ме шёрё,
Мый косьяс, оз на босьт.
Гёсь сьёлёмён и вежөрён
Ме бара пана кось.

Стен бердё сійос люкөдны
Ме чукөртла на вын,
Мед оз лэдз тшөтш и мукөдлы
Син сёян курыд тшын.

Ог сет ме сылы вöлясö,
Гйөз динö туй ог сет.
Сись нюрын медым пöлясьö,
Мед öтнас ветлö сэт.

Ни ачымöс, ни мукөдöс
Ме вильөдны ог сет.
Сй, ёна сыысь вукөдö,
И пемдö вöльнöй свет.

А төдлыгöг кё пөръялас,
Мөд лолö вöчас поз,
И сэтысь сійос ньөръяла
Да виа врагöс моз.

БЫТТЬÖ МИЧЛУНЛÖН БОГИНЯ

Дзорга öшиннö ме пыр:
Мый нö талун сэтшөм дыр
Эз во пошта новлөдлысьыс?
Лелöй бара нин со шызис.

Кож уэ муёс ме ог кыв,
Поштасё кор вайё ныв:
Пошта новлӧдлысь том Катя
Лӧсьыд, вый пыр кыскӧм статя

Бытьё шемӧсмӧдан вӧт,
Мунтыр дзорга кӧть, ог пӧт:
Синьяс водзын рыт и асыв
Тайӧ нылыс, изьватасыс.

Морӧс вылас лыблӧ гы.
Сылӧн мелі гӧлӧс шы
Тэнсьыд бурлакалан дыртӧ
Век на пӧрысь лолад пыртӧ.

Кӧсаясыс кузьысь кузь,
Мунӧ — бытьё шывгӧ юсь.
Ӧмидз бана, рыська пиня,
Бытьё мичлунлӧн богиня.

Ӧнӧдз вензыны эг лысьт.
Мися, сӧрӧны да кысь.
Кӧть не ӧтчыд вӧйпсьӧм кывлі:
Кысь пӧ мичыс коми нывлы?!

НЫВКӦД ЯНСӦДЧИГӦН

Кызд сывліс пыр, оз сідзи сыв,
Нор шыӧн талун вӧрыс шувгӧ.
А менам сьӧлӧм шытӧг увгӧ:
Эн эновт менӧ, муса ныв!

Не ӧтчыдысь тэ шулін мем,
Мый мусмис тэныд Коми муным,

А талун кӧсьян шудӧс нуны...
Эн вӧрзьӧд, сьӧлӧмыд кӧ эм!

Ме песа лолӧс, жугла юр,
Ог гӧгӧрво, мый тӧныд колӧ.
Тӧ кӧсьян ӧтнадлы кык олӧм,
Кор кыклы ӧтиыс тыр-бур.

Эн пемдӧд менсьым парма шӧр...
А, гашкӧ, нылӧ, бӧр на кольччан?
Делянкаясным век на орчча,
Со, аддзан, шогӧ уси вӧр?

Эм, сідзкӧ, тыдавтӧм мӧд вын,
Эз тані чуж, а локтіс кыськӧ,
Ме дінысь нылӧс аслань кыскӧ,
И янсалӧмысь он нин мын.

Тӧ мӧдӧдчин? Прӧщай, бур ныв!
Кӧть, мунан да, он кут нин кывны.
Но тӧ йылысь ме кута сывны
Нэм помасьлытӧм сыланкыв.

ТУЛЫС

Ӧтнас варовитӧ шор,
Пыр жӧ пайӧ пыри ськӧд,
Мися, тулыслысь кыв-вор
Кутам лелькуйтны ми кыкӧн.

Вылын, вылын енлӧн кай
Зільгӧ аслас кӧлӧкӧлӧн,
Мися, босьта-й тӧнсьыд пай,
Тшӧтш мед сылас менам сьӧлӧм.

Кылі мазілысь мажор,
Киö босьті балалайка,
Мися, тувсов кыпид гор
Ог сет öгнадлы, тшötш пайка.

Гымлөн первойя аккорд
Көнкө ылын муракыліс,
Мися, ме көть му выв морт,
Онөдз на пыр басөн сылысь.

Көкө-чойö нин рыт-мөд
Вомсьыс гылөдіс ку-кусö,
Мися, мекөд,-- он мөй төд?—
Кыкөн гажөдыштам мусö.

Видьты — веж-веж сарапан,
Чим лөз лента — шуньгысь юлы,
Дьөбөн эг жö коль ме тан,
Виль шуд козыналіс мем тулыс.

ЗАВИДЬЛУНЛЫ ЛЕКӨН

Сьөд, мустөм завидьлунлы лөкөн
Дась путкылявны изъя креж.
И кырымасьны киөн-кокөн,
Мый некор ассым кыв ог веж.

Пөз киад пö век няньид вяя,—
Оз морт — талз шуö завидьлун.
Сй, горш зэв сійö! Лолад лыяс,
И веськалас кө, вошас ун.

Со кодкө виччысьö награда,
Пөз водзын вышитчана кад,

Көть сөмын кывнас первой радас,
А уджыс оз на-й кывт ни кат.

Салдат, код сы ради тшөтш кулис,
Көть эськө өні на век жаль,
Мөд муын көнкө кыз му улын
Нэм куйлас — орден ни медаль.

Мед менө ылө нимөдісны,
Сы ради юр ни ки ог пес,
Сы ради менам лов оз вись ни...
Ог корсь ме тайөс тась ни сэсь.

Бур роч поэт тадз өтчюд шунс:
Эз слава ради мун ён кось,
А олөм ради тышыс пуис,
Сы вөсна-й вөлі чорыд, ёсь.

КӨДЗЫД СОНЕТ

Тэд холодильникыд оз ков,
Сідз тэнад көдзыдлуныс тырмө,
Тэ дінын гөтырид тшөтш сырмө.
Сё збыль! Зэв көдзыд тэнад лов.

Кор кувсис вок, эн сійөс дзеб,
Эн колльөд медся матыс морттө.
Ме, шуин, тэрмасы курортө,
И сёрма, ог кө талун лэб.

Да! Тайө буретш тадзи-й вөлі,
Вок дзебан часад лэбны сөлін,
Ён вөлөм тэнад көдзыд вын.

Морт сьӧлӧмьд кӧть тэнад эм-ӧ?
А эм-кӧ, тӧдӧмысь, дзик кын,
И оз нин сывлы тэнад нэмӧ.

САЛДАТ САЛДАТЛЫ

Тэ талун муна чужанинад,
Ас морт моз бара сэтчӧ инан,
Но эн жӧ вунӧд, эн,
Кыз ӧти дозъысь тэкӧд сейлим,
Кыз лӧньтун шызьӧдлывлим вейлысь,
Тревога дырӧн кызни войлим,
Став йывсьыс гарав сэн.

А сьӧлӧм лэптас кӧ тревога,
Тэ вывти ёнасӧ эн шогав,
Муслунлы туйсӧ вость.
Весь ассыд юр эн кольмӧд-дурмӧд,
Веж тактикатӧ, виль ног бурмӧд.
Пӧсь муслунтӧгыд немся штурмӧн
Ныв сьӧлӧмтӧ он бость.

БЫДСЯ ДУМЪЯС КЫЙЛА

Быдся думъяс кыйла,
Сӧгӧр юрӧ волӧ:
Мыйла, мися, мыйла
Мортыс регыд олӧ?

Кымын дырдзык олан,
Сымын тэныд этша.

Бек на содтөд колө
Выжив, пöрысь этшад.

Татшөм думъяс вылө
Помся ог жө видзөд:
Письтас көдзыд ньылөм,
Сьөлөм кө он личөд.

Войтыр пөвстө пета
Восьса долыд синмөн.
Гажлун тан и этан
Менам синмө инмө.

Унаысь на серам
Чөскыда кодь петлө.
Мый нө ськөд керан —
Сьöрысь на мед ветлө.

Кулөмсө ог дольöй,
Дольöны мед мукөд.
Эмöй эгша кольö —
Зэв ниң книга чукөр.

Сьөлөмын став кладöй,
Менам озырлунöй.
Сы вöсна бур ладөн
Олөмöй со мунө.

СЬÖКЫДТОР МЕ ВÖЛІ ВАЯ

Сьöкыдтор ме вöлі вая,
Көть и сьöкыд, колантор.
Чойөд öдвa-öдвa кая,
Прöста отсыштны эг кор.

Локны эськө пыр жö локтін,
Шуин, коскө ётшкас мем.
Аддза, мудерлунтö октін,
Тöда, сійö тэнад эм.

Кувны туй вылас эг кöсйы,
Бокöс быттьö чашйö зу.
Ваянторйöс тэныд вöзйи,
Мися, аслыд вылö ну.

Эськө мый жö татчö шуан?
Муртса вені джуджыд кыр,
Тэ нин сетöмторйöс нуан,
Нуан ружтиг-кашкигтыр.

Мися, горшлун сьöкта улад,
Сизим юра гундыр моз,
Коркö, он и тöдлы, кулан,
Лёк ног кулаң сёр ли водз.

Тадзи татшöм мустöм тема
Сьöкыдторсьыс мыччис сорс.
Эз кö эськө лолö лемась,
Петан туйсö, дерт, эг корсь.

АЧЫС

Аддзан, мортеö? Гачыс болкъя.
Некод сы моз тан оз тшолкъяв.
Тайö — Ачыс!

Быттьö другъяс-ёртъяс сылөн,
Гортас пыравны бур кылөн
Корис Ачыс.

Öдзöс на эз пöдлав Ачыс,
Шуис:— Кутшöм лöсьыд пачыс!
Тэчи ачым.

Гачнас нимкодясис Ачыс:
— Мирас абу татшöм гачыс!
Вури ачым.

Сэсся шыд рач кыскис пачыс:
— Тайö розя вöли рачыс.
Дöми ачым!

Пилысь гын мач босьтис Ачыс:
— Бур пружина кодь жö мачыс!
Гынді ачым.

Сэсся юалім ми сылысь:
— Ошйысьнытö велöдчылін
Тожö ачыд?

Кöсйис шуны, дерт пö, ачым,
Сводйыс киссис, кылö, пачын...
Ланьтис Ачыс.

ОЙ, МУСА МАМÖЙ, ЧУЖАН МУÖЙ!

Ой, муса мамöй, чужан муöй!
Ме пышті ветлö тэнад вир,
Пыр сійö менам сöнын пуö,
Кор кöнкö торксывлö на мир.

Кöть кодкö пиньсö век на лэчтö,
Но мирсö видзны тэ он мудз.

Оз, чарла-мөлөта венечтө
Пеж кинас чабыртны оз судз.

Кор вөлі ыджыд тышлөн бины,
Быд шуштөм здукө эски тэд.
И тэнад мелі синлы сии,
Мед некор синва сэсь оз пет.

Да! Мед жө эськө збыльмас кылөй,
Нэм кежлө аддзас мираин.
Мед нэм чөж тэа-меа вылө
Быд мусянь дзоргас друглөн син.

МЕД ОЛАС КОММУНИЗМЛӨН ПИК!

Кор йөз кост дружбалөн ён вын
Туй восьтис джуджыд гөра йылө,
Дас нациялөн дружиёй йылөм
Выль сылан тэчисны дас кылөн;
Од сизим километр да джын
Пыр вывлань кайис дружба вын!

Сё альпинистлөн повтөм сям
Тадз ещө өти вермөм перйис:
Выль тшупөд вөчис олан серлы,
Вит дас во пасйис СССР-лысь.
И миян му, Отчизна-мам
Пось кылөн налысь ошкис сям.

Оз дружба дзирдыс сэтысь берд.
Яр төвлы быгөдны оз сетчы,
И йиа ва сорыс оз лэччы:
Од өтув кыпөдисны сэтчө
Роч морткөд тшөтш поляк и серб
Сөветскөй мулысь зарни герб.

Қор вѳчан ѳтув, оз су пик,
Тадз шуис-нюмъяліс болгарин,
И йитчис венгр, узбек, татарин.
И ме тшѳтш ыззи Сыктывкарын,
На кылѳн снгѳралі стих:
Мед олас Коммунизмлѳн пик!

ПѳРЪЯЧКАЛЫ

Чайтлі, мися, ѳта-мѳдлѳн
ѳтмоз тпкѳ сьѳлѳм.
Мися, вуджам, шог ог тѳдлѳй,
Олѳмлысь кузь вѳлѳк.

Қазялі ме вѳлѳк шѳрас:
Лолыд тѳнад дудѳ.
Қызд кѳть тѳ дпнын эг тѳрась,
Эг ме аддзы шудѳс.

Сьѳлѳмыдлысь пакѳститчѳм
Онѳдз ме эг тѳдлы.
Вѳлѳм, мѳдкѳд сійѳ йитчѳм,
Тпкѳ, вѳлѳм, мѳдлы..

Сьѳлѳмѳйлы лѳн्यान кад нин.
Шуи, вѳсьлав, мися!
Мыйкѳ бара на тай падмин,
Али век на висян?

Синъяс водзын мыйкѳ вутш кодь,
Чорыда и чужпн!
Мылльѳс кутшѳмкѳ ѳн бушков
Перпйс сьѳлѳм вужпйысь.

КЫКЛӨН СЁРНИ

Марпа ордө пырис Ида:
— Порсьпи эськө колө да...
Тэ өд видзан жө, Марпида?
— Ог көть видз да, олө тай.

— Сэсся нө көть энь-ө, ай-ө,
Энь кө, гашкө, тырсяліс?
— Эн нин сёрнит. Морнас тайөн
Во-мөд-коймөд мырся нин.

Ай, дерт. Сыыи өд и матыс,
Тшыгйөн моз и шлонъялө.
Мыйён воас рытъя кадыс,
Эньяс вылө гоньялө.

— Вердан бура?
— Бурсыс бура...
Мыйттөм пула шыдөссө!
А вот курыдтор кө сюрас,
Нюлас став доз пыдөссө.

— Инав мясокомбинатө,
Нинөм кө оз имит нин.
— Сийөс, воан көть сө матө,
Некытчө оз примитны.

— Отчыд оз ин, нуан мөдысь...
Зэв мөй лёк родаыс?
— Габө рөдысь, юысь рөдысь,
Батыслөн жө модаыс.

ЮР ИНДАЛЫСЬ

| | |
|---------------------------------------|----|
| Медводдза пӧсь кыв | 3 |
| Памятник дорын | 4 |
| Ми буретш сы вылӧ и эмӧсь | 5 |
| Разливса чом дорын | 6 |
| Ыджыд субӧта | 7 |
| Юасьӧм-висьтасьӧм | 7 |
| Ылысса воклы | 8 |
| Сыктывкарса «Москвич» | 9 |
| Варовитӧм — сьӧлӧм йитӧм | 10 |
| Вӧр туйын лоӧмтор | 11 |
| Удж вылысь локтигӧн | 12 |
| Лов корӧм серти | 13 |
| Дядь водз пиян | 14 |
| Олӧ-вылӧ | 15 |
| Бара Музакӧд | 16 |
| Нимлун вылын | 17 |
| Юкмӧс дорын | 18 |
| Миян карын йӧзыс бурӧсь | 19 |
| Кодкӧ локтӧ | 19 |
| Кор кизьӧрмӧшы кельыд руйяс | 20 |
| Гӧстькӧд | 21 |
| Стрӧг ныв | 22 |
| Том салдат | 23 |
| Граница вылын | 24 |
| Пӧльлӧн висьтасьӧм | 25 |
| Бать да пи | 25 |
| Турӧбалігӧн | 26 |
| Кувлытӧм Кобзарлы | 27 |
| Чукыль-мукыль | 28 |
| Олӧмлӧн закон | 29 |
| Книжнӧй магазин | 30 |
| Мун, весась, дявӧл! | 31 |
| Коркӧ кылӧ, коркӧ оз | 32 |
| Радейта | 33 |
| Ӧти асылӧ | 34 |
| Помӧсдін тэ, Помӧсдін | 35 |
| Войся виччысьӧм | 36 |
| Сьӧлӧм сетысь | 37 |
| Миян козин | 37 |
| А. С. Пушкинлы | 38 |
| Аканьыс запаньысь | 39 |

| | |
|---|----|
| Басня пыдди | 40 |
| Сьёлём сьылём | 41 |
| Ашөр сьыланкыв | 42 |
| Поводя вежсьё бурлань | 43 |
| Тыдавтём потшөс | 43 |
| Чемпионъяс бөрся | 44 |
| Ог пыр зыкө | 45 |
| Аскиасө дорысьлы | 46 |
| Вежавидзысь | 47 |
| «Ме мөдөс өні ог нин велөд...» | 47 |
| Гымалігөн | 48 |
| Пужъялём, дзоридз | 49 |
| Менам кодзув | 50 |
| «Эн нювсьы. Эн ёр видзөдласөс...» | 51 |
| Кор оз узьсьы | 51 |
| Сабля гөралы | 52 |
| Ой, Иван жө тэ, Иван! | 53 |
| «Ассьым шогөс кө ог йөзөд...» | 54 |
| Мыйлакө тай чужсьылёма | 55 |
| Баллада | 56 |
| Бара вөчи өти удж | 57 |
| Апрель первой луно | 57 |
| «Мөвпөй менө войт оз жалит...» | 59 |
| Олан мода | 60 |
| Бур шусьөг | 61 |
| Друглы | 61 |
| «Медбөръя кыв кө медводз шуан...» | 62 |
| Менө ылөдысьыс эм на | 63 |
| Сэкса пыдди | 64 |
| Вот колөкө и пөчө! | 64 |
| Ме сійөс виа | 66 |
| Быттё мичлунлөн богиня | 66 |
| Нывкөд янсөдчигөн | 67 |
| Тулыс | 68 |
| Завидьлунлы лөкөн | 69 |
| Көдзыд сонет | 70 |
| Салдат салдатлы | 71 |
| Быдся думъяс кыйла | 71 |
| Сьөкыдтор ме вөлі вая | 72 |
| Ачыс | 73 |
| Ой, муса мамой, чужан муой! | 74 |
| Мед олас Коммунизмлөн пик! | 75 |
| Пөръячкалы | 76 |
| Кыклөн сёрни | 77 |

с (коми)

В12

Вавилин Иван Михайлович

ПЕСНЯ СЕРДЦА

Стихотворения

На коми языке

Оформление художника **В. Б. Осипова**


Редактор В. А. Попов. Худ. редактор А. В. Мошев.
Технический редактор А. Н. Вишнева. Корректор
А. А. Надуткина.

Сдано в набор 9/1-1976 г. Подписано к печати
5/11-1976 г. Формат 70×90¹/₃₂. Усл. печ. л. 2,925
(уч.-изд. л. 3,05). Бум. № 1. Цена 31 коп. Заказ № 206.
Ц00637. Тираж 1500. Коми книжное издательство.
Сыктывкар, Дом печати.

г. Сыктывкар, Республиканская типография Управле-
ния по делам издательств, полиграфии и книжной
торговли Совета Министров Коми АССР.

В. 151

0743—007
В 29—76 м
М128(03)—76



31 коп.

КОМИ КНИЖНОЙ ИЗДАТЕЛЬСТВО 1976